

Nermin Purić

Pitanje postavljeno Vijeću ministara BiH: „Koliko iznose direktna strana ulaganja u BiH u 2010., 2011. i 2012. godini? Kakav je trend kretanja direktnih stranih ulaganja, šta su najveći problemi u ovoj oblasti i šta Vijeće ministara BiH, entitetske vlade i vlast Brčko Distrikta BiH čine kako bi se stanje u ovoj oblasti poboljšalo? Molim za detaljan pregled po godinama i po oblastima u koje je ulagano.“

Pitanja postavljena Vladi Federacije BiH:

1. „Kada će u Federaciji BiH doći do povećanja penzija za penzionere rada i njihovog usklađivanja s rastom plaća, kako je to predviđeno Zakonom i njihovo usklađivanje s realnim rastom troškova u ovom entitetu?
2. Šta Federacija BiH čini ili namjerava činiti s licima koja su korisnici prijevremenih penzija, po osnovu nesposobnosti za rad - invalidskih penzija, a koje su dobili na osnovu medicinske dokumentacije o psihičkim smetnjama? Takva lica danas imaju vozačke dozvole, dozvole za oružje, bave se lovom, pa čak i rade u nevladinim organizacijama itd. Dakle, da li nadležne institucije planiraju reviziju ovih penzionera i da li se planira određeno ograničavanje prava tim licima?“